

港東港西

洪荒少女：親生的 元氣少女：尋親成功

鬼馬TWINS 香港相認

教你點分「洪荒」同「元氣」



惠若琪

外號：元氣少女
籍貫：遼寧大連
出生日期：1991年3月4日
身高：1.92米
項目：排球（主攻）
亮點：體壇美女
絕技：「一錘定音」，打出最後決勝分奪金

傅園慧

外號：洪荒少女
籍貫：浙江杭州
出生日期：1996年1月7日
身高：1.79米
項目：背泳
亮點：天真可愛
絕技：洪荒之力一出，「手太短」都攞到100米背泳銅牌

萬眾期待嘅內地奧運精英運動員尋日抵港展開三日訪問，話說機場接機嘅時候，鄭晴同其他記者都「眾裏尋『她』千百度」，講緊邊個？梗係超人氣「洪荒少女」啦。大家都以為第一排企係孫楊隔離個好高嘅女仔就係傅園慧，係鄭晴隔離做直播嘅央視主播都係咁講。後來鄭晴睇返微博，先知道我哋全部擺咗烏龍。

原來，中國女排隊長、「元氣少女」惠若琪尋日戴咗同傅園慧同款眼鏡，但清晨係北京出發時就係微博上載咗與「洪荒少女」撞樣合照，仲留言話：「是誰說我倆像來着，尋親成功了，哈哈哈哈哈」。傅園慧就即刻發帖文並笑回「親生的」。


鄭晴睇相都搞唔清邊個打邊個，兩人戴住差不多款嘅眼鏡，加上髮型都似到十足十，又齊齊扮鬼扮馬，十足twins咁。鄭晴之後就發現一個分辨呢兩姊妹嘅秘訣，原來佢哋係「一高一矮」，惠若琪高1.92米，傅園慧就係1.79米。而孫楊身高係1.98米，所以企係孫楊隔離幾乎同佢咁高嘅女仔就梗係惠若琪喇。同埋鄭晴睇佢哋合照見到，「洪荒少女」好似有蛀牙嘍，睇嚟傅園慧就算有咩力都好，都要落力啲刷牙先得。

其實兩個人都吸引到好多小心眼，「傻大姐」傅園慧天真可愛，惠若琪則被稱為體壇美女，甚至昇網友投票選為「中國90後十大美女」添。其實惠若琪可能都有「洪荒之力」，佢之前做過心臟手術，戰勝咗好多傷病，先至可以企係里約奧運嘅最高頒獎台。

最鍾意公仔最想去迪士尼

鄭晴仲留意到傅園慧由落機到上巴士都拎住「花花」旅行頸枕，個袋仲掛住四隻

唔同顏色嘅小熊公仔，好得意咁。鄭晴諗起，先排有網友係微博上載咗視頻，中國游泳隊由里約返北京，有粉絲接機嘅時候就送上四隻毛公仔畀孫楊，傅園慧就「眼甘甘」望住，仲話公仔好可愛，要幫佢拎住先。孫楊就話傅園慧成日搶佢公仔。「洪荒少女」咁鍾意公仔，唔怪得佢想住去迪士尼啦，香港最多公仔嘅地方可能就係迪士尼啦。但可能因為行程太密，鄭晴知道代表團未能安排佢到迪士尼，惟有等下次啦。



雖然傅園慧今次去唔到迪士尼，鄭晴就專登幫佢整番個卡通造型，當係少少補償啦

自帶表情包



傅園慧去到邊都表情多多，鄭晴一次過同大家分享佢唔同嘅表情

一句「好肚餓」傅園慧「主攻」星洲炒米

里約奧運會內地奧運精英代表團抵港後第一餐食嘅乜？「古語有云」：運動員生涯原是DRY，此言真係一啲都唔虛，佢哋一定唔會食大魚大肉，但又隨時發揮洪荒之力，所以每一餐都非常講究。鄭晴同「精英酒店」助理行政總廚林青華八到，佢哋菜式上有特別配搭，保證有足夠澱粉質食物，但好惹味嘅乾炒牛河就「出局」，因為「太過油膩」，連自助餐嘅雪糕都好似無乜人食咁。

林大廚話，佢哋2004年、2008年已經煮過飯畀奧運健兒食，精英們嘅食量真係比一般人多，今次特登加大分量，按正常餐飲比例上調1.5倍至1.8倍，滿足佢哋胃口。

聽講尋日午餐，運動員們好似比較偏愛中式菜，尋日清涼嘅中菜，同炒粉、炒飯嘅半個鐘內都要火速補給。但甜品區就比較冷清，似乎無乜人敢挑戰，時令水果、西瓜、蜜瓜、哈密瓜比較受歡迎。不過，聽現場幫手嘅義工報料話，身材勁Fit嘅中國女排隊長惠若琪就夾咗幾塊蛋糕試下，鄭晴覺得佢真係好有Quota食！尋日午餐嘅時候，「洪荒少女」傅園慧一到場即刻話「好肚餓」，食咗唔少星洲炒米，仲



▲鄭晴聽講尋日午餐，運動員們好似比較偏愛中式菜

酒店專登加長啲床

精英飲食咁講究，酒店連早餐都已經專門訂製。酒店到時候唔單止會有港式早茶中常見嘅燒賣、蝦餃，仲有少糖版迷你菠蘿包、雞尾包、港式奶茶等，林大廚話「希望佢哋可以嘍緊忙嘅行程試下香港特色食物」。就快到中秋，酒店還為選手們送上港式奶皇月餅禮盒。酒店窩心舉止又點止咁少，仲有唔少健兒要將床長度由2米伸延至2.4米，唔晒平均身高188.5cm嘅女排選手同身高198cm嘅孫楊等一眾「高人」。

諶龍簽名羽毛球 義工居然唔見咗

外界可能都覺得游泳名將孫楊好Cool，但尋日睇海景嘉福酒店協助接待「精英團」嘅義工向鄭晴爆料，孫楊其實非常nice。佢話，尋日午宴好多人搵孫楊簽名、合照，但佢來者不拒，仲同義工放電「單眼」，冧爆一班少女義工。有現場義工也大讚孫楊好靚仔，佢得佢好開心。

另外，奧運羽毛球金牌單得主諶龍嘅粉絲要留意啦！鄭晴今次聽到有個烏龍義工搵諶龍簽名後，竟然半路唔見咗。途經尖沙咀、紅磡巴士站一帶朋友仔如果係路邊執到冇諶龍簽名嘅羽毛球，千祈唔好以為係一個普通嘅羽毛球，佢隨時有可能係「真」世界冠軍簽名羽毛球嘍！



更多內容歡迎掃描二維碼，瀏覽大公網「港東港西」專題



►CY見到傅園慧都忍不住親自揸機自拍

高官名人變晒小粉絲 不停「集郵」

特首梁振英（CY）尋日專程嚟禮賓府為奧運精英舉行歡迎酒會，CY見到傅園慧都忍不住親自揸機，同佢selfie自拍，笑到見牙唔見眼；自帶「表情包」嘅傅園慧同特首合照都露出趣怪表情。

財爺曾俊華都同羽毛球選手林丹、乒乓球選手馬龍等合照，佢係facebook晒相話「向各位運動員致敬！」

政制及內地事務局局長譚志源（Raymond）尋日就話自己用晒洪荒之力selfie。除咗捕捉「洪荒女神」，Raymond仲集齊女排成員合照，尤其係女排主攻手朱婷，同佢仲影咗好幾

張，Raymond仲讚女將們係「真·高人」。除咗嚟禮賓府，代表團尋日下午入咗酒店用膳時都遇到一眾名人追星族。有現場幫手嘅義工話畀鄭晴知，「譚校長」譚詠麟昨日亦有到場，但即時走去搵鄧小平同女排朱婷合照，之後再搵傅園慧，而傅園慧見到「譚校長」又爆招牌O嘴表情。

號稱「鐵榔頭」嘅鄧小平一出場就自帶光環，以《我的中國心》一曲聞名嘅港區全國人大代表、愛國歌手張明敏就火速被佢吸引，仲自備排球擺簽名，佢之後仲成功集齊所有女排成員嘅簽名！張明敏話，1984年嘅時候曾經同鄧小平一齊登台，估唔到佢仲記得自己。

體育、演藝、文化及出版界議員馬逢國尋日都有去酒店歡迎精英運動員，佢係facebook話，出席奧運香港代表團回港的歡迎儀式之後，國家精英運動員代表團都抵港訪問，之後嘅示範表演同交流活動，相信都會成為全城焦點，但熱潮過後，希望政府同社會對運動關注都可以持續落去，認真咁落實體育政策檢討。

至於里約2016殘疾人奧運會將係9月7號開幕，但當然都會繼續為香港運動員打氣啦！而體育、演藝、文化及出版界另一名候選人係周博賢。



▲譚校長傅園慧O嘴合照 大公報記者蔡文豪攝



►Raymond集齊女排成員合照